

聖

張右史文集卷第四十

同文唱和

初伏大雨戲呈無咎

未

初伏炎三坐湯釜長安行人汗沾土誰傾江
海作清涼玄雲駕風橫白雨補陀真人甘露
手能使渴乏厭膏乳且欲當風展簟眠敢辭
避漏移床苦清貧學士臥陶齋辟土墨君淡
無語翰林但解嘲首帶彭宣不得窺歌舞
詩得句笑出者策馬涉泥歸閉戶床頭余搯

定何嫌窓外石拍堪薦俎

補之

蓬山西鄰九軌路三月銜晴^案吹士直廬鑿
牖面官垣青壁斬二看重雨殿角風斜碧瓦
寒翅濕蒼鴛不能乳却思窮巷亦可憐一掃
蚊蚤通^借苦鬱蒸書課未湏怕午漏客休聽
天語平生豪氣對尊酒山雞見鏡猶能舞城
南寺近晚堪行笙歌涼月聞千戶但憂伏日
細君湏割肉無緣俟婦姐

耒

火焚真金融作暑南風無聲蒸厚土省門下
馬不讀書急掃藤床臥聽雨朝涼已覺飯有
味紫盃新茶如潑乳天工未費一杯水已夏
炎涼異甘苦晁侯笑顧北窓竹知君吟詩得
佳語忽驚秋近梧桐落未厭野潤商羊舞快
洗晚空作晴碧三更月華清萬戶不怕泥深
滑馬蹄更自無金謀燕俎

忠臣

大明放朝官避暑長廊倚絕塵土漢家宮
殿敞千門紫閣拖雲洒甘雨雷併電笑洗蒸
鬱蕩：青天滑流乳憶昨三年田舍中六月
正服農家苦豈望生還直曰廬得見張晁說
新語初聽釣天驟竊抃正似声闻躍起舞喜
乘初涼興晤歌不憂庭潦墊垣戶徑携斗酒
相就醉更置雙黠充君俎

汗流魚跌如吹釜蜂蟬飛空蟻運玉眼看纖
雲上太清曾不崇朝八荒雨金葉火老旱太

甚咀嚼冰雪如飴乳豐隆列缺及時未蒼生
解除焦焚苦張侯不辭茅屋漏倚柱長吟可
人語愛君豪猛為君和初撫劍歌終起舞城
南酒壚醅新潑不獨黃公當門戶滿酌鷓夷
極歡酌細摘園蔬供鼎俎

突冷塵魚生甑釜十年都城困風土不辭揮
汗過三伏敗屋怯聽滂沱雨張侯作詩名清
風渴讀如飲雪山乳笑我形容太瘦生我亦
悔前用心苦晁子迭唱六起予兩人終日同

堂語素何拘學技藝窮跛齧欲趁騷騷舞魁
然圓腹貯文史朝來氣爽寬酒戶為君急置
槎頭輻縷翠霖紅落雕俎

神龜不識烹魚釜生潛深淵長黃土誰令誤
落魚網中白晝冥：作雷雨嗟予幡然別曰
隱空岩無人滴鍾乳松菊滿山胡不歸願同
妻子忍坎苦長歌漫：何時旦起坐終夜松
自語茅茨十九漏如渾誰知華堂醉歌舞山
中吾廬歸去來岑揀翠玉朝南戶注目操刀

必割時尸祝何煩越尊俎

肇

城中鼎食排翠釜羊胛馳峰賤如土青衫學
士家故貧斗米束薪炊濕雨縱橫圖史照屋
壁咕囁詩駱從稚乳省中無事騎馬歸雨声
一洗茅簷苦急呼南巷同舍郎聽我臨風有
涼語且貪青簡事文章未有黃金買歌舞往
來詩卷牛腰許太羨玄酒並在戶吾詩老澁
邀使前政坐可口收銀俎

次韵上文潜文

肇

張侯胸中色覆釜百里奔流無寸土玄蛟白
鼉有時作一洗乾坤三日雨詩雄變怪有如
此震動猶能止啼乳已傾太白酒船空更壓
少陵飯山苦昨朝東門同拜勅玉齒猶殘道
中語閉門十日無一事坐對空庭秋葉舞何
時御史出霜臺便假前駟辭棘戶城南邀我
倒餘尊紫栗黃橙已登俎

答天啓

來

黃鍾無聲登瓦釜蔡子青衫在塵土逼人乘
氣百步寒知子胸中有風雨三年河東走胡
馬絕口魚蝦便酪乳歸來萬卷付一讀不覺
見曹用心苦周瑜陸遜久寂莫千年北客嘲
吳語莫徒彩筆雲錦張要是寶劍蛟龍舞天
兵百萬老西北快馬如飛不出戶看公大纛
出麒麟走取單于置刀俎

和天啓贈文潛

補之

蔡侯飽學困千金濯足清江起南土放談頗

似燕客雄快奪范睢如墜雨東城擒羽未足
論柏直何為口方乳蔣侯山中伴香火三年
不厭長齋苦平生豪偉有誰同要得張侯三
日語晝閒那自運甓忙時清不用聞雞舞拍
榮懽喜見車馬書冊辛勤立門戶要當食肉
似班超猛虎何嘗窺案姐

再答

肇

羗兵昔出蘭皋路歌鐘新城無聚土烟峰照
夜氣如霞鉄馬連群歡成雨東西兩関同日
破敗嘗嬰見絶哺乳鼓声十日拔帳歸至今
猶說防城苦當時諸將無奇功不敢弯弓向
胡語索馳西來金帛去孽狐小鼠猶跳舞王
師八月盡防秋喘一軍興恐編戶腐儒不用
輒憂邊廟堂有人制尊姐

呈鄧張晁蔡

輔

都城薄祿才三釜白髮朱衫汚黃玉九人同
日鎖重關一夜涛声卷秋雨投身雖喜豪俊
窟刺手如逢虎方乳鄧侯相逢十載後清骨

嶠岩詩思苦張晁自是天下才黃卷那同聖
賢語蔡子雪弓欲射胡拔劍酒酣時起舞何
當連袂上霄垠速致時康門外戶病夫行矣
老江湖尸祝安能越庖俎

幹

可畏日輪如赤釜賴有群仙司下土稍從寥
廓躡濃雲旋向塵埃洒甘雨松羅既女更施
澤山木欲童俄得乳馬牛暫息要途勞魚鼈
頓舒炎海苦野鶴那虛屋上鳴穴狸不繆山
中語清風豈假白羽搖輕汗寧沾翠綃舞已
憐爽氣滿襟袖更喜余霞照庭戶後朝便是
闕英才為指幘幪設千俎

次韵呈文潜學士同年

子文

才堪斗量君獨銓年少登瀛脫塵土重闈幾
日鎖清秋酬唱新篇乱如雨讀書相逢十載
前君家酥酪和腐乳晚將哀珮奉英游漫記
雪寒邀夜語平生意氣杯酒間我醉狂歌君

起舞即今頭白老青衫但期教子應門戶燕
頤從來骨相殊看今鼎食羅五姐

用姐字韻呈擣年

肇

墮甯一言能破釜魔界掃空成佛土鍾山道
場天所開萬壑千岩沒華雨白衣居士演真
諦江漢滔三流法乳自從玉髻飛上天妙緣
誰救諸有苦我昔南行入定林水鳥松風能
妙語六時天樂綵雲飛百丈寒江翠箔舞此
地知君能着力雷作彈指開蟄戶空山蕙帳

盍思歸秋來晚菘行可姐

次韻天啟戲為禪句之作

幹

一片木柴投向釜不是知音色如土道途謾
用運三車根性終然資一雨相逢倘獲個中
人涓滴何辭北驢乳善才童子天質奇拋官
遠遁修竹苦果向北山曾遇人便解捐書尋
一語而今脫却七斤衫相見山三惟作舞秋
闌何幸相握手未厭夜深來叩戶莫愁客至

將何待困有眠床飢有俎

上呈子方鄉文

天啟

西方殘虜魚游釜往歲天兵收境士軍行旱
海口生烟沙并無泉天不雨將軍意氣吞八
荒欲入涼州傾馬乳堅城不下河未永幕中
稍覺後軍苦曹侯獻計取東園帳下選鋒同
此語歸來寒色侵鬢毛熙廟始閱交衢舞不
學行間妾校尉盡斬孫敬封方戶人生富貴
有危机羸肩不願加雕俎

次韵答天啟

子方

天兵連營千萬釜烈々威声震西土崑崙月
窟掃欲空豈止斯民被時雨賀蘭狡兔遁三
穴黃口嬌雛未離乳臨机一失挫銘鋒誰願
忠言如藥苦吾鄉蔡子喜談兵早歲曾過阿
式語逸才自擅鸚鵡賦高韻仍為鸚鵡舞方
略應須敵万夫徒擊韓嫣笑當户政宜弱寇
請長纓係取單于置高俎

曹子方用釜俎字韻賦詩見遺予洎

張文潛晁無咎蔡天啟因以奉酬并
示四友
忠臣

長愛陳思詠莫釜幾年不見徂南土竭來相
逢翰墨場夜寤共聽空階雨躍馬蔡卿能齧
肥好書張侯期飲乳晁令知後博士遷智囊
不厭傳經苦於茲邂逅如夙契睠我幼勞勲
晤語詩成乍變龍虎文筆落更驚鸞鳳舞我
將隱遁山林姿公等整頓乾坤戶分同尺鷃
搶榆枋難伸犧牛登鼎俎

張右史文集卷第四十一

同文唱和

欲知歸期近呈天啟

未

欲知歸期近屈指不滿手豈無兒女心惜此
良邂逅蔡郎吾未見心已想雄秀那知風雨
夜聽此龍劍吼八荒一驥了萬馬空去鹿鍾
山淨名老為子不惜口頗聞國士薦固自君
所有唯應功名地他日容老醜

肇

欲知歸期近朱墨復在手出門豈無時官事
火邂逅張公晚定交千仞仰森秀華堂耿青
燈夜半獅子吼真龍服內閑爽氣凜群鹿新
詩陳五鼎斟酌皆可口光華委行色於我亦
何有緘藏不知報刻畫無益醜

忠臣

欲知歸期近行：重携手掖垣隔華省明日
難邂逅作者六七人崢嶸疎神秀藏螫神虎
姿風雲即騰吼嗟予自遲暮老驥伏閑廐奪
珠不量力攬臂犯牙口平生辛苦行何足為
己有政似逢毛疇歸增益光醜

補之

眉山見張侯心許出一手臨川得蔡子千載
慰邂逅鄧君起南國磊：看三秀譬如黃鍾
陳我尚尾釜吼欲知歸期近喚馬亭出廐官
醪待餉婦傾寫僅漬口千章輸明堂勿問草
澤有群公自凜：水鏡照妍醜

考校同文館戲贈子方兼呈文潛

補之

二十年来曹子方新詩曾見未能忘多才善
譎稱物芳吳娃席上呼作郎瞥然何許歲月
長只今未老毛髮蒼自言逢掖非昔狂傳徑
華陰夫子堂何曾騎馬身扶槍詔隨上將西
擊羌董蒲附注謂我臧夜行馬領飢無糧鼓
輦驚谷騎卷岡吏呼馬微醉在林前鋒奄至
灵武旁中堅不後無敢驤城關三日牧蔽隍
百馳載笥千橐裝旌旗立壘烏烏揚還軍不

省一矢亡坐師無獲勞不償鏡歌入奏虛錦
囊秋風鱸魚思故鄉銳頭冑董鶴鵠行得官
猶領萬鷗鷖王城對巷如參商那知連月居
茲房稱多量少非我長群公古鏡縣秋光閑
門飯飽庭葉黃秋盤登兔官酎香吳音訛變
雜秦涼令壺老拍笑覆觴淹留平日夢欲翔
得君可樂殊未央人生傾蓋何所望結交私
和要冰霜中天號出玉璽章青驄御史騰莊
康^莊歸期屈指未可忙聞君况有夢虺祥生女

不惡嫁鄰壻掃軒窗客具酒漿與君更約城
南張

忠臣

五年堪^坎稟哀南方江湖魏闕兩相忘洞蘿岩
寨挂孤芳月潭風渚俦漁郎單闕孟夏草木

長望都樓觀鬱蒼

忠臣癸亥六月以家眼
去國丁卯四月還省

誰令焚芟辭楚狂後來上君白玉堂黃門戟
曜羽林槍未央引籍班胡羌雲屯錦膊馬斯
臧大官日膳瓊馬糧追隨威鳳鳴高崗豈敢

偃息復在床投鉛歸休下殿傍衛士傳詔來
如驥館闔闔外西城隍書橐迫迓不及裝
後士集要言揚得弓勿問何人亡趙璧既入
秦城償穎脫喜見錐出囊同人千野不擇鄉
歲二羽翻整顏行天閉玉勒皆鵲驢伯喈懷
贖望金商天啟魁梧竒偉值文房文潛家令
數術應帝王无咎三英粲二日爭光我輒與
之較雌黃芳菲滿室蘭生香坐堂月夕秋氣
涼將軍思婦歌撫觴子多倚梧日送雁南翔

想見葭蕩水中央，洞庭河漢遙相望。香楓葉
老赤，染霜感稟少。日七步，章長安城西約。鄭
莊予与子方无咎文牽率不往，有底忙。人生
可意，皆吉祥。快馬劃過小苑牆，入門爛醉銀
餅漿。秦箏趙瑟喜高張。

次韵无咎戲贈兼呈同舍諸公

輔

少年落魄走四方，看山聽水興難忘。深林誰
後知，孤芳十載江湖祢。漫郎紫溪風月幽思

長綠水如鏡，烟蒼。追隨豪雋多清狂。春風

爛醉胥山堂，下瞰群峰聳如槍。吳儂棹歌笛

弄羞攀薜，捫髯疲獲，臧經旬。選勝行齋，糧客

見徑臺倚高岡，共臥明月吟胡林。投身忽落

崑崙旁，征西万馬隨騰驤。官軍夜半填賊隍

食畫師老催歸，裝將軍數奇。謾鷹揚，斬捕不

能酬。失亡曲突徙薪，語莫償。幕中病客非智

囊扁舟夷猶憶吳鄉，鬼侯平日丈人行。生駒

今始見，驕驩伯樂一眇遇。老商恐是稟質蒼

龍房九工吳語放降王叔教抵掌對燭光秋
英落盡金鈿黃玉甕浮醅潑異香九天廣樂
來新涼笑談聊此共一觴天街六翮將翱翔
正值昇穀遊中央我老妻翅無後望洞庭橘
熟千林霜行當拂衣解銀章買取百花州畔
莊世外日月何曾忙翛然一室生吉祥車馬
還能過我墻夜具茗飲共拓漿更看君詩雲
錦張

用元谷學士年兄長韵上呈子方太

僕鄉文

肇

西河郡縣淪西方西人思漢今未忘果園蕪
沒白草芳

靈州乃赫連
勃二果園

旃裘戲馬誰家郎車

箱峽口澗谷長旄頭倒掛回穹蒼王師西出
討猶狂大花簇壘來堂前鋒銳頭臂兩搶
伏姦謹索收生羌天声隱鞞搖姑臧音兵鏖
背斷饋糧決河有声如懷岡城頭擊鍾声殷
沐萬甲幾欵漂無勇雖有仇健誰騰駿一夫
不敢陵彼隍馬首欲東促歸裝緘自有策鬚

眉揚歸來悅。若有三劬勞。有日何由償。戰
鞍挂屋尋書囊。日隨飛鴻思帝鄉。彭城老將
官橫行。幕中市駿收驕驍。射堂兩部奏清商。
應該破鎬如蜂房。天劉渭州射為天下第一笑談斥士羈
名王。盡畜遣奏朝明光。詔書曲典真乘黃。錦
韉玉勒春風香。平池老柳高雲涼。神駿在日
豪吟觴跨下蹠蹠。驚鳧翔皇居九衢。天中央
我時項背聊相望。西城九月天墮霜。夜談閱
塞評文章。微言竊比惠女莊。和詩脫筆覺我
忙。祝君齋養壽且祥。功名有來成堵墻。勿憂
寒暑敗白漿。張弓箠矢用則張。

無咎兄贈子方寺丞見約出院奉謁
後用元韵上呈子方兼答無咎見及
語

未

曹侯驥骨雙瞳方。流沙萬里不能忘。讀書故
山蘭蕙芳。咳唾不顧尚書郎。參軍朔方試所
長。奮鬚決策服老蒼。願得一索縛狡狂。凱歌

操餞敵明堂黃河東畔萬旗槍義渠竟失先
零羗坐師失律無否滅但恨不取東関狼黃
君詩力回魁罔十客未得一登床携君秀句
展我旁草書紙上蛟龍驤謂我君舍城東隍
年來長嘯棄軍裝載酒款訪執戟揚休日出
門如闕亡生令耿々願莫償紫衣宣詔撲被
囊敵書貢士學与鄉羅庭充屋書万行風鬣
霧風筒騶駟考評唐虞論夏商相遇近如蜂
隔房君家八斗陳思王千年門戶有輝光任

城健將獍頭黃猶蘭之苗不改香家人寄衣
秋晚涼滯苗華館付杯觴天高月明新雁翔
明燈高談夜未央屈指計日引領望來時汗
流今雨霜重門事嚴御史章賴君諧捷解色
莊還家有日未用忙眉間黃色是何祥晁侯
約我走門墻但無閑閑休餽漿莫以獸微弓
弗張

張右史文集卷第四十二

同文唱和

復用方字韻奉贈同舍慎思文潛同

年天啟

補之

平生教子天一方
 今夕何夕情難忘
 荷衣攬蕙氣芬芳
 冊府兩公同舍郎
 崑崙方軌萬里長
 西城却望天蒼蒼
 秋庭風雨翻幕
 狂夜語蔡侯同一堂
 張侯老筆森矛槍
 文詞楚些遺楚
 蹇羌骨中水鏡誰
 否臧學三百困羞
 裹糧思忽

知決瀆万仞岡大編小軸山塵沐城南買屋
君舍旁疲駮日附驥尾驟我慚昧道由四隍
人如燕宋初束裝聽君雄辨神揚二却思得
一愁十忘鄧侯韞積價不償有方未試聊貯
囊起家斗牛玉笋鄉鴻騫早入鵷鷺行和鸞
采齊要騶驩一鐸便足諧宮商知君雲壑有
松房南^陽街耒耜心霸王玉池復說夜有光仙
人藏丹金鼎黃頤分神瀟浴骨香非我其人
慙德涼蔡侯發跡江溫觴困籠祇欲摩海翔
此公事業未渠央六音他日我所望烏鵲張
月刀瑩霜裂五单于加印章攘苴可但虛斬
莊遭時立志未可忙白犢得瞽寧非祥嘆予
企踵不及墻逢君如渴御蔗漿怯雖如鼠犹
瞻張

次無咎來韻抒寫素懷兼呈文潛天
啟伯時仲遠

忠臣

梁宋吳楚各異方交情一契不相忘况乃顏
色瓊枝若石渠金馬從諸郎我從瀟湘烟水

長江湖飲見山色蒼扣舷弄月浩歌狂竭來
溫吹崇賢堂儲胥乍駭綠沉槍擊鼓震龍龕
蜀羌爰居受享謀非臧悔辭早飛班竹岡終
日懶祭書繞休故山秋菊英可狼西風夢徒
南斗旁翠蚪絳螭交首驤坐看樓閣照天隍
壯心鬱律軍騰裝殺弓以甲氣不揚揮斤欲
斲獲人亡劍價倚待風胡償雲間避迨得智
囊洞庭釣天奏帝鄉慷慨奮擊万夫行天路
滅沒飛驕驪張侯同声羽應商蓬萊方丈屋
連房海口瀾翻訖百王太一下照青藜光要
我挾槩弄鈎黃四庫顛倒翻芸香蔡邕自來
安西涼慨慕玉闕歸敲觴同官李抑並翱翔
寫和節奏声史：誰其刀薦慰所望九閭白
日无雪霜垂光虹霓急草章沉冥清遠兩蜀
莊人間勢利本不忙麒麟鸞鷲因珍祥每恨
官隔西掖墻可使簸揚挹酒漿不似箕斗名
虛張

次元韻奉酬慎思學士年友

公麟

君家祝融水一方平生書閣食可忘雲河激
潤寒瑤芳天帝塵府讐書郎馳騁千載凌子
長神清骨秀顏色蒼書淫傳癖笑與狂十年
此會同都堂上接吟春碾旗槍詩筒吳歛廢
楚羌一律拔文公否臧日飽太官沅瀘糧朱
鷺入網空南岡賢書奏牘紛湍床朝出粉闈
暮帝旁駁々天路屏龍驤病鷗沾々乃汗隍
白雲阮望因併裝放歌長林声激揚佩蘭思
馨雖朋亡雲出烏還聊自償羽扇塵尾隨經
囊龍眠乃是无何鄉朝游不乱麋鹿行歸臥
展畜觀驕驩貧頗古時歌商徜徉吳罷任
雲房焚拍翻經究法王丹々暗度歲月光山
頭草青還葉黃洞明已死閑骨香此志未就
嗟涼々親顛向白每歛觴旨甘鞭後雞翱翔
竭来竊食天中央古人千歲空相望同文鎖
密御史霜得公再集評文章亦說種松輞口
莊使我夢蝶相々忙便歆負郭占農祥開門

倘容倚孔墻想挽北斗下挹漿
學篔更對高秋張

次韻呈慎思學士

子文

咸韶漢武來何方鏗鏘入耳安能忘
陽春蘭芷秋菊芳金門詞客青袍即
昭回下燭光焰長深山大澤在蛇
蒼浩歌激烈元非狂正逢聖王開
明堂風烟闕寒收旗槍舞干兩階
臣戎羗喋血拓境謀非臧邊城夜
行休裔糧採詩不復嘲青岡蚺
滅戢羽戍婦沐移文北山

猿鶴旁渥洼朱旆兩服驟胥靡
版築羅浚隍白環括矢貢篚裝
航海万里風帆揚犬羊種落嗟
唇亡諸蕃入學願可償槐花舉
子促書囊成均貢士賢登鄉東
門宣詔孔十行我慚駕駘追驪
驪何敢望回不及商毛遂未至
空連房賴有墨妙江都王傳摸
共分此日光驛駒綠驃兩耳黃
想見蹙踏披天光坐覺暑退秋
堂涼拍掌齷齪漫引觴門外烏
兔雙飛翔悠々逝川東未央故
山魚鳥空相望鄧侯意

氣摩秋霜朝吟百篇暮千章駢羅經史貫列
莊落紙但見書吏忙孔鸞羽儀各効祥鄙夫
不學空面墻先饋不用驚五漿烏号要須責
盲張

次韵奉酬無咎兼呈慎思天啟

未

平生结交圓納方迺眼十人八九忘晚蘭畝
蕙幽谷芳嬾隨家奴諛五郎善飢方翔身漫

長顛毛種顏欲蒼誰謂勝癡端坐狂清淮
之陰一草堂列筆作陣茶森槍絕口平戎典
破羗百年如此計六賊何用竊食官倉糧云

黃病足畏高崗但願縮頸老支床煌煌東壁
日月旁神仙寫鳳爭騰駿万書落架成覆隍
牙^齒如雲丹碧裝晁侯再作班与揚正始故
在何曾亡江湖十年願飽償夜成七發光出
囊蘓公後出長卿鄉為君吳都無一行^{蘓翰}
杭賦見无咎杭州世有伯樂生驥驕肯使弭
七迷乃止

耳隨鹽商鄧侯楚山深閨房名走上國交侯
王朝隨日景夜燈光色攬今古窮炎黃吐詞
分葩有國香近君如雪六月涼又似心醉醒
翻觴東南蔡子名飛翔同隨天書拜未央瑰
竒宏傑方夫望類牙凜二有風霜文如神鼎
爛龍章鍾山長齋讀老莊論兵說佛兩俱任
不夸得硯文字祥但願歎敵如顏牆我窮乞
酒更得漿仰看三虎爭雄張

贈天啟友弟

素孤蓬矢射四方嬰孩立志長可忘莫學兒
女謾美芳豪氣當視交何郎邊城入望千里
長臂講時架角鷹蒼搏捷仍放韓盧狂鷹鷂
日暮隨登堂往來絕藝精飛搶余勇犹足吞
頑羗讀書誰謂殼勝滅盛時萬鍾遠餽糧水
輪長川陸登岡垂弓在囊弩在床蔽扞入陣
牌居旁天馬馴工被甲驤受降濬築修城隍
刀頭不惜千金裝三十六將皆鷹揚故境可
容尺地亡子可自負當夙償况復武庫踰書

囊惟我与子曰同鄉友生固自騰雁行更欲
揚鞭向驕驍豈但傳經如下商不見漢時張
子房身纔六尺佐時王功業能依日月光素
書一卷初送黃異時破賊玉書香當使相繼
來西涼時臣稱賀持壽觴鴻鵠一舉橫飛翔
光陰應湏及未央不候可忍點鬢霜少年天
子坐建章寃待穰苴不顧莊嚴兵待時雖未
忙黠虜授首先有祥王師會看傳城墻郊迎
父老携壺漿去病當時凱樂張

次韻上呈樗年主簿鄉元 肇

君家晉陵我朱方君家易知復難忘十年不
見蘭畹芳青衫翩翩黃白郎我游東南歲月
長江流洶湧山鬱蒼烛在東來尾鬣狂鳥爪
真人坐高堂山中播剌森戈搶道場法嗣通
衡羌大道甚夷車御臧獨不進步誰資糧脫
身薄領行澗岡青崖結茅雲繞床兀兀西墮
梁宋旁至今夢想犹高驥別後約子西城隍
瓦爐梵夾隨行裝形骸土木神遠揚少狂豪

氣今則亡劇談軟語志頗償
摸寫佛像揮錦囊
搏前坐我烟靄鄉
憐君駁腕未著行
側身六合悲驢驢
即今文學斜卜商
赤刀大訓在西房
詔書與賢利賓王
重闈共此燭燈光
肥羊細助蟹著黃
菱蒲生白晚菘香
落月動影簾帷涼
夜如何其未卷鶻
座間詩陣鵝鶴翔
臥旗蓄銳豈遽失
我堅孤壘何敢望
降旂欲掛月似霜
獨君一掃可得章
滔三筆力抵下莊
兩虎未捽終不忙
蜘蛛拂面歸有祥
便看大榜掛北墻
南城西寺載教漿
背城借一猶能張

次韻贈無咎學士

幹

毗陵城如金斗方
往事歷歷那能忘
相逢童子佩蘭芳
秀發人指誰家郎
未几重見突而長
即今不覺秋蓬蒼
戲笑豈復為見狂
追昔宓子初登堂
辭鋒峭拔森如槍
器識沉遠包夷
羗陽秋寧肯露
舌臧有子游學先
聚糧相將百里陟
崑崙邂逅一挹坐
僧床大辨傾注

如無旁天馬方謂先騫驟覘魚誰復駐濠澗
瓜期受代垂趨袞當路奏牘支稱揚行將趨
擢奮云止坐令志氣不得償傳家豈詫錢一
囊諸兒經行名州鄉挾書繼踵諸父行旋見
天衢飛驎驪論治直要趨周商術卑効淺笑
杜房况是亨運遭吳王致君紹祖邦家光何
止追考婦焚黃遂庭朝露明芸香異書滿閣
秋氣涼詠歌間成隨豆觴讀之如欲凌雲翔
暫透大手禹木史挈筮來寄深閨霜賓吳矣
能視文章尊尚周孔麾韓莊搜竒殆有通夕
忙英游疑動聚星祥我歸復翳環堵墻世味
已能如飲漿義皇上人琴一張

次韵携年見貽

補之

平生車軌周四方结交童齒老相忘異哉余
子久弥芳吳人猶記稱周郎河豚入網荻牙
長宜吳菴昼烟水蒼風雩春服真少狂不愧
戴崇升後堂橫翬戩陣倒千槍升鸞獨步禹
出羗世儒膠復何足臧說食不救飢求糧暫

思振衣千仞固空林
無人一繩床五車絕
東不在旁欲徹梯磴
排空驟鍾山春水繞
城隍從師不憚白笈
裝矢鋒相觸塵不揚
驪黃牝牡若滅亡子
嚴主簿志不償厭見
朱墨紛倉囊西風雲
日思帝鄉東華拜勅
鳧後行黃昏閭闔
飛驕驪虛堂節候變
金商閉門蟋蟀鳴
我房吾君仁聖周成
王屏驅虎豹開明光山
龍粉米雜青黃多儒
可贊至治香園擅山
石豈荒涼潢汙蘊藻
湏豆觴願君與借羽
翮翔賢書蚤列升未
央君如病鶻待秋霜
牛衣未可悲王章公
朝道闢五達莊服袞
按節緩勿忙憂松生
腹渠不祥莫車上儻
應循墻功成歸飲沉
澀漿發机要若黃間
張

張右史文集卷第四十三

表狀

進大禮慶成賦表

臣伏見

皇帝陛下即位以來事天治民虎恭豈弟光
被四表格于上下雖太母保省一遵聖訓而
仁厚之誠不言而孚乃者肇見天地實
陛下即位之初郊內自臣工外遠海宇於以
觀神人感格之際占信順獲助之驗前祀二

日陰霰暮集俄而氛祲廓清星月明潤將事
之夜風伏不興景氣晏溫圓穹清明神祇來
格於是乎在凡執事在列之臣與夫侍御奔
走之隸喜動乎容和見乎声記田福者備也
備者百順之名也天既順之備孰甚焉帝之
來格見于天時祭之受福見于人情臣幸執
筆待罪太史實卷祝冊天威咫尺親見齋莊
粹穆之容陟降拜俯誠敬兼盡臣竊喜太平
之必至多祥之必集四方之民受福不疑姦
宄作慝不禁而息謹撰成大禮慶成賦一篇
隨狀上進雖不足以追配甘泉河東之廣大
盛麗然大馬之愚庶以自竭伏惟清問之燕
畧佇覽觀千祀宸嚴無任激切

代文潞公辭免明堂陪位表

合宮備礼方藏事于季秋列位侍祠尚不遺
於故老仰恩榮之憂異循衰瘵以戰兢伏惟
太皇太后陛下聰明自天博厚載物左右景
命已大濟于艱難保宥神孫即聿躋于齊聖

邦家庸靖卯正照明頌德告功既對天而不
作隆祀備樂念報本之惟時當魚鹿之時而
物既盛多由思齊之聖而神無恫怨擁純禧
於二聖肆大賚於万方曠古上儀于今盛典
臣久辭屏著退伏里閭覩聲明于垂盡之年
受德澤于惟新之政願餘齡之已幸矧召節
之見臨是宜策勵造朝齊明就列而衰朽之
質登降畏失容之誅疾病之余道有負薪之
惧与其失周士在朝之敬不若同堯民擊壤
而歌文物莫瞻夢有鈞天之想精神未已心
為魏闕之遊

代文潞公辭免明堂加恩表

孔行郊廟方推報本之仁燕及臣鄰皆獲增
封之錫思維緣于有慶賞亦思夫無名惟是
衰殘尤為冒昧臣中謝臣朴忠一意際會四
朝趨踰等莢出入將相洎老休于鄉社已位
極于師垣何期垂白之餘復相繼明之運空
心半朽久自分子不彫千里已疲莫時資于

辨道而歲月逝矣補報缺然唯知愧惧之無
容夫何恩礼之加厚肆時大享茲謂上儀方
天子致齋莊之嚴而老臣私宿衛之逸雖聖
朝尚齒唯所便安而宥數非常更為憂惧已
足矜榮于在位豈當同衆以疏息
皇帝陛下時軫睿慈俯迴神鑒必欲寬殘年
之殞越莫如裁今日之寵光耄已及之雖終
知其無補天其或者尚假息于余齡願止已
行庶無太甚

第二表

加地無名方抱戰兢而莫處稽天未荅蓋緣
誠確之罔孚盡布腹心再于旒宸中謝臣聞
事君盡礼而臣独無趨拜之勤陳力就列而
臣久涉衰殘之境兩無一可雖聖主曲為之
優容日加三思願國士如何而稱報惟有稍
裁其宥數庶幾未即於顛隳而恩礼增繁光
華胥至既行勤于齋祭又申錫其土田高已
近危將必憂于隕越折而致覆亦何益于生

成伏望 皇帝陛下垂德乾坤收恩雨露賞
行四海當酬可勸之功或備上公豈憂不及
之祿實思危于居位非受爵以苟辭

謝得清表

不能具祭自憐衰老之無堪固俾造朝更佩
恩榮之從欲內循安便未免驚慚 中謝

皇帝陛下龍德光亨天仁覆露牲玉備物允
若神人之和同祀樂在廷肅然祖考之來格
祭則受福天且弗違臣猥以殘年莫瞻盛事
雖行不俟駕在常祀而有誅而老弗及齋知
異恩之独厚第想光華于天漢竊同歡抃于
里閭

代張文定辭免明堂陪位表

明德惟馨方格神於盛祀相予津祀俄賜名
於老臣衰朽知榮兢惶靡措 中謝 伏惟

皇帝陛下隆聖統躬致太平翼文王之小心
烝：虞舜之大孝季秋順序方万物之盛多
四方和來加多士之奔走祇見列聖哀對昊

亨敞布政之法宮大明祀樂受丕天之景既
均被巡遊喜交神人慶浹夷夏允執事豆邊
之末或覩光與隸之間足為至榮可以無恨
而况臣猥以屏退尚叨記存溫詔在門外庭
有位固願聞舜韶而率舞瞻堯日以傾心而
遲暮之餘衰疲且久筋力已消于疾病才業
及年踈野久放于田闕不足為祀當千歲之
接統自滯周南奉半夜之受釐莫趨宣室無
階策厉惟劇飛馳

謝太皇表

稽由君命敢求免于刑誅惠養光臣不使勞
其筋力仰睿私之從欲撫衰志以知榮中謝
太皇太后陛下至仁在上神孫臨祭知保宥
之聖功多士充庭見肅雍之盛德思及草木
喜罔天人臣幸以餘齡獲逢盛旦雖邊豆駸
奔之事徒有心哉而祀樂大備之時為後死
者豈其偶爾尚足矜榮

代范相讓官表

不俟駕行既已驅馳而至疇若予采復膺考
慎之求在明主圖曰之意則深於愚臣力
之羨則過中謝伏以二聖求治歷年于茲忠
厚之澤是以傳之先窮仁孝之城固已格于
上帝守此成憲底于太平加以左右輔弼之
臣蓋極老成後入之選何圖次輔之虛位乃
復召臣於守藩茲蓋伏遇

皇帝陛下廣度兼收至明洞照察其疲駕之
不速出于惘惘之無它意其先之教忠恐或
老而更事責以來效用之不疑上副眷求敢
愛竭盡而臣伏自深念固非飾辭形骸已衰
心力隨耗雖輔相重任不歆舍其曰而新圖
然衰疾交攻豈期老將至而耄及雖至仁之
曲被顧公謙之謂何豈无岩穴待招之賢朝
廷委瘠之彥与之圖國足以格天而臣已試
之效可知將老之城弥切不能就列辭敢避
于再三因是得人切犹期于萬一

謝宣賜曆日表

在昔哲王德暨鳥獸魚鼈肆時治古曆象日月星辰既推步以授人時又協亡以現度惟盛朝之稽古蓋列聖之在民中謝

皇帝陛下聰明憲天仁厚愛物順帝之則既先後而不違使民以時無困窮之失所願若寒暑之節實惟衣食之原以臣我在承流恩叨頒翔敢不推風化之有本窮叨農耕願賦畝之無知孰原帝力

謝欽恤刑表

歲舉曰章雖謹有司之職詔頒列郡實皆天子之恩中謝恭以聖人之於物蓋本好生哲王之用刑初非獲己方天時之炎燠愆罔罔之係纍渙發德音卹及民隱伏惟

皇帝陛下哀矜庶獄明慎用刑內修百度以肅叔綱外推至仁以惠黎庶下念狴牢桎梏之苦必使飲食沐浴以時君恩及斯民命何有臣職當賦政責在承流雖未能裨聖代之措刑必使无訟而竊慕古人之為獄自以不

寬

謝明堂赦書表

伏以宗祀於明堂既書寅恭之志大賚于四海編章在宥之仁允出照臨悉陶惠澤

中謝

恭惟

皇帝陛下堯仁若日舜孝格天法度修明既聿迨于先烈號令寬厚已深結民心津時大享于合宮是謂嚴親之盛節禮成有慶既賚予于善人德及無疆將陳常于時夏與哀多

罪囹圄渙然一空頒錫六師忠勇為之十倍不冒出日罔不鄉風洪惟盛朝集此熙事臣敢司收養貴在承宣敢不撫陛下可封之民鎮以無事布陛下惟新之惠期在措刑

黃州謝到任表

准告罷管白明道宮落職添差監黃州酒稅攀務者臣已于今年三月到任管勾訖伏以矜其多病祿之仙聖之祠誅其積愆斥之冕

摧之任雷霆既震螻蟻曷逃罪大責感深涕
頂中謝伏念臣粗親翰墨篤好文詞曾忝窺
其藩愴妄見稱于流輩浸蒙寵祿頗躡等夷
久讐中秘之逸書與記漢家之故事入侍帷
幄曾未歲時而疾病侵凌精神疲執一辭謁
陛兩換虎符莫聞報政之能徒幸養痾之便
投閑異散於分為宜號寒啼飢其窮已甚方
大明于淑慝固無道于誅夷唯是齊安近在
淮右雖薄加于黜削乃猶即夫便安非大明
之燭幽顧微生之何時茲蓋伏遇

皇帝陛下至仁溥及盛德好生謂刑已正刑
用之初非獲已而罪非極惡濼之必傳惟輕
遂致夙愆猶逃大戮敢不改心思過擇地固
新駕馬已疲久息鏘鳶之望秋葵未殞常傾
向日之心苟一介之有終九死而無悔

黃州安置謝表

准告責授房州別駕黃州安置臣已於九月
初三日到黃州公叅訖率情而動蓋緣不學

之愚謬罪惟輕上賴好生之德中謝伏念臣
僻迂陋學庸瑣散材頃守汝陰名長吏不
能明義以自立乃敢徇私而致哀迄涉背公
事非考古果不逃于正論竊追于嚴誅尚
畀散官更居善地茲蓋伏遇

皇帝陛下聰明洞照博厚有容論罪必原其
情用法每加之恕故令螻螻少緩雷霆臣敢
不祇服上仁深思往咎提身以敬學礼必明
從多士以立朝莫諧素願問老農而學稼誓

畢餘生

辭免起居舍人狀

竊以言動之職最近清光儒學之臣以為榮
選臣孤生晚進駑散薄材擢自選人寘之太
學復天祿石渠之職首預選掄袖金匱玉版
之書兩領著作功能何有屏退所甘加以冒
昧史官頗糜歲月論次故事未就簡編何有
賢勞遽叨獎擢浸階華近入侍禁嚴內循弱
植之易搖實惧多言之可畏敢傾誠懇祈止

設恩免速顛隤更累樂育

任起居舍人乞郡狀

右臣准尚書省劄子以臣乞知潁相徐潤州
一次奉聖旨不允所乞者臣伏以君父之命
當即奉承尚敢煩言罪當万死臣秉筆史館
入侍禁嚴漸階寃榮固顛冒昧然親近清光
而衰瘵敗其支体論次日聞而疾若耗其心
精常惧尸官安能稱職豈當自列敢避重誅
伏念臣自患風痺今已五年雖粗支持而去
年冬末因患瘡疹毒氣流注支節脚膝痛痺
甚則屈弱乘騎拜伏動憂顛仆力加調養或
可完安失今不治必成沉痾聖君在上仁愛
容臣下得以言情卑賤亦思從欲伏乞除臣
知潁相徐潤州一次庶得少就優便專意藥
物民社可以竭力俸廩足以行貨犹冀疲駑
復備鞭策

張右史文集卷第四十四

啟

荅林學士啟

伏審光膺宸綽進直蘭臺榮命始行儒林增
重竊惟館閣之選蓋待儒學之臣既非典領
之次幾於冗散又無議論之貴少補絲毫宜
非仕者之願居而為一世之所尚蓋學問者
君子之事職卑而待之非輕詩書非俗所知
祿薄而意則甚厚雖處居寂寞夸者至謂之

病坊而脫略等夷赤尉均稱於宰相名既如
此人猶貴之而况將相之選踵武相尋祖宗
以來掄擇為重故本朝之寵儒者雖官官必
假此名伏惟某官文麗而用長才周而學富
父子濟无弟有声行實著於家庭強濟冠于
朝右冠豸障擊風霜凜然攬樂按行竅竇立
解已登進於卿棘復入直于道山豈專是正
之功實示起騰之漸某淮楚晚進場屋後來
辱登門牆當備官屬當趨風于末坐乃首贊
於長牋為孔則勤循分而惧孔鳶同列忘魯
鈍之卑飛珠玉藏家驚輝光於貧屋永為好
也何日忘之

代人謝及第啟

困瑕疵於指玉猷已過三收奔敗以誓師戰
猶借一僅能無辱豈足言勞伏念某受才拙
踈趨世迂濶拙無他技幼刻意于藝文家有
遺風世知名於科級童子習雕蟲之技已屢
試於鄉邦專門尚徑術之科嘗再遊于孔部

一行作吏終日生曹几硯已積於埃塵埃詩
書錯陳于朱墨人耳二二頗羞請鑄之金時
哉二二思樂無事之誰屬大明之總統仰衆
正之來同恥窮有道之邦願列思皇之士隨
象錄二僅乃有成半世違二所得如此惟其
無似已合知榮茲蓋伏遇某官左右太平設
張治具收才能于無問本選舉於至公列楚
旁及於艾蕭澗川下通于溝澮羞愧平津之
策絕意上游庶幾毛遂之奇收功下客

潤州謝執政啟

此者伏奉告命除直龍圖閣知潤州軍州事
已於閏四月二十九日致任交割訖伏以文
章為學者餘事故先王不以經世富貴非人
力所制故君子以為在天而况修辭蹇淺未
涉作者之流趨世闊迓每在衆人之後則其
投閑置散違後跋前在所當然夫復何恨伏
念某羈孤一介憔悴餘生困篋楚者十年這
飢寒於斗祿仕已成於漫浪意何有於功名

始誤寘於成均後進升于儒館佐東觀之論
著頗見日問紀先帝之事切遂游藏室推升
右史密侍清光雖學儒之至榮豈草茅之素
望而疾病侵耗心力衰疲分敢自安豈當引
去駕馬自竭驥厯塊而已超神仙在前風引
舟而忽遠尚叨便郡獲養殘軀靜循此思蓋
有所自茲蓋伏遇某官曲成萬類器使庶工
直鑄蒙銀廢者未嘗巡疾大京小抽施之各
以其宜致此摺虛未即拍棄微訟希簡職事
有在

賀錢內翰故

伏承內翰侍讀四文罷直內閣并華禁林解
天府之潛繁侍經帷之清燕雖衆望所屬理
固當然而成命既行士以相賀伏以學士號
為取親要地實儒者之至榮訓辭欲其言近
指深必文人為充選設官雖專于書詔儲才

常用于鈞衡被選益艱因人增重雖後客八
侍獨高太白樂天之詞華而論議徑却復重
德裕敬與之術業苟擅一長于此皆為稱職
之才洪惟本朝繼有碩望方當聖主之圖任
果見異人之來儀伏惟某官學摠百家才高
一世經守常平之學世登晁董之科無施不
長所治皆最批竇蹈窾在庖丁如無牛越國
過都於騏驥為厯塊隱然公輔之望以矣中
外所期俄問異思大慰衆論謀護補座何慙

天子私人顧瞻玉堂應歎吾家曰物即膺大
拜用寵遠圖某每愧庸虛素承知獎其為欣
快突倍等倫嘆白髮之侵陵望青雲於寥廓
歲事已晏德履多祥更冀保頤下副祝願

宣州謝兩府啟

此者法當易地思使造庭方奔命于半途迺
分符于便郡地未殊於南北舟楫相通憂方
竊於困窮廩祿有繼雖微幸出聖朝之厚而
曲成皆高位之仁已見吏民粗知風俗茲蓋

伏遇某官受天間氣為國元臣道德致君謙
論無世器象材而無棄慮一物之遐遺遂令
罔功每輒得所退觀所領自昔有声道德在
人有類真卿之政事登高曰賦稱謝玄暉之
文章某素之詞華不通吏道一無稱可全有
便安民清愁歎之聲自緣聖治家受飽暖之
福徒費君思尺寸無施冒昧而已歲事云晏
幾政多問伏乞俯為華夷精調寢味

賀錢都尉啟

伏承先膺綸綍雄領節旌遠俗知榮侯藩增
重其為僚屬蓋倍歡愉伏以懿親建邦粵古
令典惟聖朝尚玉姬之貴在一時皆妙選之
才既內奉朝請而為國草六外假風聲而持
將鉞屈天姻之華貴尉南服之荒遐民社有
光江山增氣恭惟某官推朝令德世有美名
風以才猷膺茲選擢忠孝著甲昔受大來之
王封簪笏滿門今為五世之卿族問望卓尔
寵祿從之雖仰青雲之絕塵亦受靈河之餘

問後游莫望素欽武子之才豪由務不煩以
服征南之思信歲事已晏賢履有休更冀保
調以綏戩輟

謝鮑承務啟

伏審光臨民社寅布教條德庇臨愚陋知免
竊惟漢唐之盛惟以守令為艱或由郎而出
宰立民或歷縣而八官華省謂將責之經世
莫若試之臨人恭惟聖朝六重茲選允膺民
社之寄莫非慈惠之師伏惟某官炳蔚多文

淵源博學行已信于鄉里名以播於搢紳素
懷製錦之良能方展割雞之利用略摠素業
均惠遠民牒訴雖繁敷本可使無訟鰥寡未
又有政為善養人雖君子之微猷蓋高才之
餘事况復江山清遠民物阜安獄訟多餘樽
俎可樂莫陪談咲徒竊傾馳過此以還未知
所措

賀廣德知軍啟

伏以星回于天既發春而獻歲帝出乎震方

去故而就新天時於是更端賢者受其介福
伏惟某官風猷強敏道義深純度越衆人
獨立一世烏臺彈擊鼓千鈞之弩而發机
山郡郭裁持屠牛之切而坡豕惟其道用
煥然曰新俯同世人仰受天福

謝建平知縣啟

昔者過沐殊私特貽盛禮一日之長託未契
之光華通家之歡傷前人之零落悅跪之際
感喜之并伏惟某宮文學承家吏能絕俗一
見許論于家世並游遂列於弟兄昔日桑弧
交慶兩家之生子相逢樽酒共驚五十之幾
年敢不傳羨好于子孫謹銘歲于肺腑過此
以往未知所裁

賀太平知州啟

伏承輟謂經惟剖符江國餘光所庇弱植知
安伏惟某官與學造微高行絕衆赫矣家世
照臨遠方清淨道心消鎮浮俗遙想公餘之
多暇未妨禪現之無為出入起居輕利安穩

某夙懷問道幸託為鄰惟仁人志常在民今日請學為政雖相聞雞大矣一葦可航之川而坐困簡書有其人甚遠之歎願茲傾系曷
整敷陳

上黃州郡守楊懷寶啟

某愚暗觸禁情不自知仁聖至明罰惟當罪雖從黜責尚得依歸平平生京洛之遊交情有素千里江山之別老境已侵豈知投鼠之余忽有笑談之便淋漓醉舞坐沉痼而少衰

慷慨悲歌撫壯心而猶在靜言思咎六既戒行忽忘跋履之勤喜遂瞻依之素伏惟某官天資拔俗國器冠將利刃吹毛長劍耿介倚天外高標絕衆野鶴昂藏在雞群擅風流地步之名有雍容甚都之現左挽繁若邁越石之竒一割午心兼武子之逸蓋嘗奉使諸部固已著迹本朝賦吳郡之溪山醉金陵之風月遺愛執在陳迹可尋屈臨方州字幸遠俗某去國流浪多病變衰流水高山知者蓋寡

附輿執轡令也則亡雖無聊遠竄之可憐得
相逢一笑而何恨私用自賀天復何言春序
正暄更祈保衛

賀潘奉議致仕啟

伏審親家致政奉議上還印綬退即里閭已
彩知止之安將受永年之福允居親曰實助
忻愉竊以人之多難在于儒者尤甚壯年請
學謂留利祿之可期山試多違功名遇合之
有命加以歲月荏苒時不待人願瞻簪裳羨

則當止彼貧胃無恥者率皆優佚而老惟進
退顧羨者不免飢寒之憂未餘漢庭之賜金
復休故社之喬木追計宦游之廩採何有一
毫復与平生之簞歎相從三經莫非命也謂
之何哉伏惟某官與學淵源懿行金玉以拙
遲于末路遂高退于明時清譽益隆多祥有
在某自怜罪戾以困泥途延企高風但懷景
仰貴信

謝揚州司法謝薦啟

竊以才猷顯膺褒薦過敷謹德躬贊高文兢
懼靡遑珍藏為好竊以長吏薦士蓋遵著令
之文小官求知將應有司之格然在下者常
艱于際可居上者亦歎于才難苟蒙特達之
知亦謂非常之會伏惟

某官溫恭飭己道德承家老成之典刑具存
正始之取流猶在青衫乎版共歎棘棲之鷲
命袞貂冠茲為鴻漸之翼既深感愧又切頌
祈



